



08598

古今律曆考卷二十

歷代日食

陝西副憲安肅那雲路輯徵

滿城魏文魁訂

陝西叅知京山李維楨郡倅大同顧漢

校

陝西副憲元城張應鳳司理江津楊炳瞻

歷代日食曆

西漢

漢史載漢高帝三年丁酉歲十月甲戌晦日食在斗二十度十一月癸卯晦日食在虛三度

置所求距筭以授時歲實乘之得五十四萬二

古今律曆考卷二十

一

千〇二十一 日九十四刻七十六分爲中積以氣應減中積滿旬周去之不盡以減旬周餘一十三日一十一刻二十四分爲冬至

置中積減閏應餘五十四日三千〇一日七十四刻二十六分滿朔實去之不盡以減朔實餘二日七十六刻一十三分二十二秒爲閏餘

即縮曆

置冬至減閏餘一十〇日三十五刻一十〇日七十八秒爲經朔

置中積減轉應加閏餘滿轉終去之不盡以減

轉終餘一十四日八十四刻八十一分七十八秒以轉中去之餘一日○七刻○八分七十八秒爲遲曆

以縮遲二曆推得加差一十一刻五十一分加入經朔得一十○日四十六刻爲定朔是甲戌日午初刻合朔

置中積減交應加閏餘滿交終去之不盡以減交終餘一十四日四十刻爲天正交泛分入食限

古今律曆考卷二十一

二

置中積減周應滿周天去之不盡以減周天餘三百三十五度二八九九以虛六度算外得斗二十二度爲冬至赤道度查天正閏餘二日有奇減回二度有奇則朔日在斗二十度漢史合

宿度既合以後不復推

是十一月甲戌朔午時日食非十月甲戌晦食亦無十一月癸卯晦之比食也蓋漢初曆久失次未置曆官不知是年冬至之前應閏八月而未置閏故以十月爲十一月及過此見天星漸

移方補一閏始悟十月乃十一月也其原紀十月甲戌晦遂改爲十一月甲戌晦然又恐未的也乃併十月晦兩存之前月旣繫以戌則次之應癸酉者不得不繫之卯併繫之虛吁亦大勞矣實十月晦卽十一月朔食爲是而前後月皆不入交不應食也後修史者見漢曆兩存其食遂目爲比食不知六月一交萬無比食之理而日食卽朔亦無晦食之說也綱目書法云自癸丑書日食至是四十五年然後復書秦政代立

古今律曆考卷三十

三

以來至於國亡乃皆未嘗日食豈秦之德有以勝妖歟曰君象也秦閏位也其不足以當天審矣綱目書日食三百六十七而一歲再食者三十五其間連月而食者二而已是年漢文帝三年一歲三食者不與焉此言皆非也從古未有四十餘年不日食者秦日官失之故不書或秦暴厭天災而不書也一歲再食正六月一交之應食也連月之食曆官交戰而兩存之非其實也至又疑以一歲三食之說耶何不併其一歲

四食五食而疑之

高帝九年癸卯歲六月乙未晦日食

置所求距筭以歲實乘之得二千一百九十一日四六三四爲中積分加氣應滿旬周去之餘四十四日五七五八爲冬至

置中積加閏應滿朔實去之餘八日九六〇八爲天正閏餘

置冬至減閏餘餘三十五日六一四九爲天正經朔

古今律曆考卷三十

四

置中積加交應減閏餘滿交終去之餘二十二日六九三四爲天正交泛

置中積加轉應減閏餘滿轉終去之以減轉中餘九日五二一三爲天正遲曆

置天正經朔加八朔實滿紀法去之餘三十一日八五九七爲七月經朔

置天正交泛加八朔實滿交終去之餘一十四日〇二爲七月交泛入食限

置八朔實減閏餘以減半歲周餘四十四日六

六爲七月朔縮初曆

置天正遲曆加八轉差滿轉中去之餘一十一日五五爲七月朔疾曆

以縮疾二曆法推得三十八刻七九爲減差以減經朔餘三十一日四七一八爲定朔算得七

月乙未朔午初刻合朔

以後從此推得止具交朔二條

是七月乙未朔午時日食非六月乙未晦

惠帝七年癸丑歲正月辛丑朔日食

十二月交得一十三日一五入食限

古今律曆考卷二十

五

十二月朔得七日三九辛未巳時合朔

推得是年十一月閏餘分二十九日有奇是月

二十九日冬至卽閏十一月漢曆失一閏遂以

十二月朔誤作次年正月朔然實是惠帝六年

壬子歲十二月辛未朔日食也以法推十二月

初一辛未合朔非辛丑前而閏十一月朔辛丑

交泛十日有奇後而正月朔庚子交泛一十五

日有奇皆不入食限漢曆誤推正月日食過此

見天星漸移覺失一閏方補一閏旣補矣若曰

前所誤之正月乃十二月也十二月朔宜辛未
既移一月則宜改辛未爲辛丑是巳誤而又誤
矣夫以六年季冬之朔日爲七年春正之元旦
三朝享獻誤行典禮履端序愆巳屬謬戾漢史
載谷永占歲首正月朔日是爲三朝尊者惡之
綱目書法云日食三朝大變也書正月朔日食
始此綱目書正月朔日食二十八有應者二十
可畏哉是年食八月大喪其他李淳風等所纂
乾坤變異錄觀象玩占等書俱云是年正月日
食八月帝崩之應至今司天家祖述之豈知是
蝕之非正旦也則占者又何取焉

古今律曆考卷二十

六

惠帝七年癸丑歲漢史書五月丁卯先晦一日
日食綱目書五月日食不言晦朔

六月交二十七日○六入食限

六月朔三日六四丁卯申時

是六月丁卯朔申時日食漢曆誤以六月朔作
五月晦之先一日綱目見其先朔二日也遂不

書日劉向以爲五月微陰始起而犯至陽其占

重至其八月宮車晏駕有呂氏詐置嗣君之害
京房易傳曰九日食不以晦朔名曰薄人君誅
將不以理或賊臣將暴起日月雖不同宿陰氣
盛薄日光也夫曰日食召變誠是而劉向以五
月微陰為言則非蓋既非五月則微陰何取耶
九日食必朔以法推之即食晦亦無則豈有先
晦一日之理漢曆誤推至隔二日巳屬差誤乃
京房遂以私意命名為薄食而斷之以事應何
太謬也又云日月不同宿為陰氣盛薄日光豈
蔡若不校讐訂正幾何而不誤萬世也

高后二年乙卯歲六月丙戌晦日食

法推七月朔不入食限前後月朔亦不入食限
不宜食也想當時誤推在冊至日見其未食且
疑之故漢史但書丙戌食而不記其在何宿度

其誤可知矣

高后七年庚申歲正月己丑晦日食

二月交二十六日六八入食限

二月朔二十五日○五己丑午時

是二月己丑朔午時日食非正月己丑晦

文帝二年癸亥歲十一月癸卯晦日食

十二月交二十六日一九入食限

十二月朔三十九日五五癸卯未時

是十二月癸卯朔未時日食非十一月癸卯晦

古今律曆考卷二十

八

文帝三年甲子歲十月丁酉晦日食十一月丁

卯晦又食

十一月交二十六日八入食限

十一月朔三十三日四四丁酉巳時

是十一月丁酉朔巳時日食非十月丁酉晦亦

無十一月丁卯晦之比食也蓋冬至前應閏而

漢曆失一閏故以十月爲十一月及過此見天

星漸移方補一閏始悟十一月乃十月也其原

紀十一月丁酉晦遂改爲十月丁酉晦然又恐

未的也乃併十一月晦兩存之十月既繫以丁酉則十一月之應丁酉者不得不繫之以卯此與高帝三年比食之誤同

是年文帝下詔罪已求言稱十一月晦豈知是朔非晦也

文帝後四年辛巳歲四月丙辰晦日食

六月交一十二日八五入食限

六月朔二十一日五乙酉午時

是六月乙酉朔午時日食非四月丙辰晦蓋六月前不應閏而漢書豫置一閏過此覺其差也減去一閏遂改五月爲四月五既爲四則併其

古今律曆考卷二十

九

丙戌而移之丙辰矣不知實丙戌前一日六月乙酉朔日食也

文帝後七年甲申歲正月辛未朔日食

法推是年正月朔交五日四十刻不入食限前後月皆不入食限日不應食漢史書七年正月辛未朔日食而不書其宿度此必曆官誤推是食既而見其不食也遂刪其宿度通鑑綱目不書是食亦因漢史刪之故修史者不載

景帝三年丁亥歲二月壬午晦日食

三月交一十四日一八入食限

三月朔一十八日二三壬午卯時

是三月壬午朔卯時日食非二月壬午晦漢史書二月壬午晦蓋誤以三月朔爲二月晦也綱目書正月壬午晦日食則非矣步正月晦二月朔無壬午亦不入食限

景帝四年戊子歲十月晦日食

推戊子歲前丁亥歲十一月朔交泛五日五十一刻不入食限推戊子歲後十一月朔交泛八

古今律曆考卷二十一

十

日四十四刻亦不入食限俱不應食是年漢史無日食而綱目書四年冬十月晦日食書於春夏之後且云太初以前皆以冬十月建亥爲歲首此年及中四年皆先書春夏後書冬錯簡也班史同考漢史不書食而綱目書食夫事一本之史史無而綱目有從何處來也若以爲歲首建亥天正在戊子前丁亥歲耶而丁亥不入食限若以爲先書春夏後書冬天正在戊子冬耶而戊子冬亦不入食限無一可者綱目誤矣

景帝七年辛卯歲十一月庚寅晦日食

十二月交一十四日二九入食限

十二月朔二十六日三八庚寅巳時

是年閏餘二十九日二刻有奇卽閏十一月步至十二月初一得庚寅日巳時日食非十一月庚寅晦也漢史十一月上少一閏字

景帝中元年壬辰歲十二月甲寅晦日食

法推是年十二月晦併正月朔俱無甲寅亦不入食限漢曆不書宿度是誤推暗削之故通鑑

古今律曆考卷十

十一

綱目亦不載是食

景帝中二年癸巳歲九月甲戌晦日食

法推是年九月晦併十月朔無甲戌推在夜食亦非應食之日故漢曆不書宿度誤推暗削綱目不知亦誤書

景帝中三年甲午歲九月戌戌晦日食幾盡

十月交一十四日四一入食限

十月朔三十四日六三戌戌申時

是十月戌戌朔申時日食非九月戌戌晦也漢

曆不載宿度者筭皆不食而此書食在尾且云食幾盡是彼時真見其食矣今筭之則果食不爽可見不書宿度者曆官誤推在冊至期見其不食遂刪其宿度而猶存其名交戰於胃中無可柰何之故也

景帝中四年乙未歲十月晦日食

見綱目史無

法推景帝中四年乙未歲天正前十月十一月皆不入食限天正後十月十一月皆不入食限是曆官誤推暗削之故綱目不知書是年日食

古今律曆考卷二十

十二

舊綱目書五年冬十月日食新綱目書四年冬十月日食且云夏蝗當在日食下又云五年當書夏蝗上夫事一本之史史無而綱目有從何來耶且兩書異年自相紊亂且不標晦朔其無據可知矣

景帝中六年丁酉歲七月辛亥晦日食

八月交一十三日九二入食限

八月朔四十七日三六辛亥辰時

是八月辛亥朔辰時日食非七月辛亥晦

景帝後元年戊戌歲七月乙巳先晦一日日食
八月交一十四日五三入食限

八月朔四十一日六三乙巳申時

是八月朔乙巳申時日食非七月先晦一日

武帝建元二年壬寅歲二月丙戌朔日食

推壬寅正月二月三月朔皆無丙戌皆不入食
限漢曆之誤推也

漢唐秘史載建元二年十月朔日食

十月交二十六日二三入食限

古今律曆考卷二十

十三

十月朔一十七日七〇辛巳申時

推是年十月初一辛巳申時合朔去交分入食

限日應食是食漢史不載通鑑綱目亦不載查

漢唐秘史載二年十月朔日食且史曰秘其所

紀多出於史鑑之外者必內府秘藏之實錄也

所載日食斷非無因必彼時仰見天象有食而

秘紀之者漢曆誤筭二月候之不食其十月之

應食曆官失筭若輩詆日月爲亂行未可知遂

存其僞而去其真矣不然何以布法筭與秘史

穩合不爽耶大都半載一交十月食則前此宜
四月交又何惑乎二月之不交而食也漢曆二
月朔食之誤無疑矣

建元三年癸卯歲九月丙子晦日食

十月交二十六日八四入食限

十月朔一十二日三四丙子辰時

是十月朔丙子辰時日食非九月丙子晦

建元五年乙巳歲正月己巳朔日食

推是年正月朔不入食限漢史不書宿度暗削

古今律曆考卷二十

十四

之故通鑑綱目亦不書是食

元光元年丁未歲二月丙辰晦日食七月癸未

先晦一日日食日中時食從東北過半晡時復

推是年三月朔不入食限漢史不書宿度暗削

之故通鑑綱目亦不書是食

七月經朔二十〇日〇八刻九三減差五十三

刻九三

七月朔交二十六日九十五刻入食限

七月定朔一十九日五十五刻癸未日未時

推是年七月初一癸未日合朔日食非七月癸未先晦一日也蓋是年閏三月漢曆失一閏故誤以七月朔爲七月晦且云先晦一日益謬矣蓋漢曆止憑張蒼等約以章部大槩步曆一平朔且猶未定卽有平朔而無加減多差至七十七刻况無平朔乎且漢曆朔實過分每以朔加之次月一二日則無忤其晦食之多也卽是食之經朔在甲申日丑時以縮煇之七度有奇減回五十餘刻便食於癸未日未時矣此不彰明較著者乎綱目見其先晦一日遂不書晦朔豈知七月朔日月同度而食時刻不爽何嘗先晦一日食也未時合朔則從日中時食過半晡時復良是其云從東北過則非蓋月自西來從西而東過無從東過之理也卽此七月朔食則前此連閏應二月朔交非二月盡之三月初也其三

月晦食之誤益見

元朔二年甲寅歲二月乙巳晦日食

三月交二十六日五七八食限

三月朔四十一日五三乙巳午時

是三月乙巳朔午時日食非二月乙巳晦漢史書二月晦蓋誤以三月朔爲二月晦也綱目書三月晦則非矣

元朔六年戊午歲十一月癸丑晦日食

推是年十一月晦併十二月朔無癸丑亦不入食限漢史書食而不記其宿度亦誤推暗刪之故所以綱目不書是食

元狩元年己未歲五月乙巳晦日食

古今律曆考卷十

十六

六月交一十三日九九入食限

六月朔四十一日四四乙巳巳時

是六月乙巳朔巳時日食非五月晦京房易傳推以爲是時日食從旁右法曰君失臣明年丞相公孫弘薨日食從旁左者亦君失臣不知凡日食俱從旁右無從旁左之理

元鼎五年己巳歲冬十一月朔冬至親郊見

法推是年冬至一十五日五五經朔四十六日

六三次月經朔一十六日一六疾度四度三八

推得是年閏十月初一日庚戌十一月初一日
巳卯未時冬至戌時合朔蓋是年冬至之次日
經縮一十六日一十六刻在庚辰丑時而以疾
度之四度三十八分減回則在巳卯日戌時合
朔而冬至適與朔會矣然前月無中氣宜閏十
月也通鑑綱目書十一月朔冬至合
元祐五年己巳歲四月丁丑晦日食
五月交二十七日三五入食限
五月朔二十三日五七丁丑未時

古今律曆考卷二十

十七

是五月丁丑朔未時日食非四月晦

元封四年甲戌歲六月己酉朔日食

法推是年六月朔無己酉亦不入食限漢史不
書宿度誤推暗削故綱目亦不書是食

太初元年丁丑歲冬十一月甲子朔旦冬至祀

明堂

冬至五十七日五三

閏餘二十七日三六

經朔三十日一六

減差四十三刻七

定朔二十九日七二癸巳日酉時合朔

十二月經朔五十九日六九

減差三十八刻八

定朔五十九日三〇五癸亥日辰時合朔

法推太初元年十一月甲午日寅時經朔以減

差減之得癸巳日酉時合朔是十一月癸巳朔

也以步至二十九日辛酉午時冬至再推十二

月癸亥日辰時合朔是十二月癸亥朔也次日

古今律曆考卷二十

十八

則甲子矣漢太初鄧平唐都落下闳等未經測

驗止馮章鄧大畧之術以求氣朔且是年閏餘

二十七日三十六刻應閏二月天正之前不應

閏而平等誤置一閏遂以十二月爲十一月而

曰十一月甲子朔冬至無餘分爲曆元不知十

一月癸巳朔非甲子也十一月二十九日辛酉

冬至非朔旦也十二月癸亥朔非十一月朔甲

子也十二月二日甲子非朔日也漢曆誤以前

月二十九之冬至而加於後月之朔以後月二

日之甲子而加於天正之朔外也甚矣蓋漢曆推步失之後天故氣過二三日尚不覺所以日食多在晦也漢曆日食之晦余推皆朔明甚茲豈口說之謔胥乃實詣之數此可與司天氏持籌道之也綱目書法云元鼎五年書十一月朔冬至親郊見矣不書某甲子於是祀明堂則書甲子朔旦何重曆紀也至朔同日常也甲子朔旦冬至非常也故特書之夫以非常之曆紀舉非常之祀典且以氣朔同日定千古曆元斯豈古今律曆考卷十

細事而豈知是朔之非甲子也以此明堂事天神享之乎元鼎五年朔旦冬至實是己卯親郊禮也去茲才八年鄧平等首出治曆而反違至二三日則嗣是先時後時朔悉爲晦無論欽天曷以授時曆元云乎哉

太始元年乙酉歲正月乙巳晦日食

二月交一十四日一九入食限

二月朔四十二日三三丙午辰時

推得是年二月丙午朔辰時日食非正月乙巳

晦也漢曆誤推正月乙巳晦日食至日候之見其不食至次日方食與已所推宿度不合遂削其宿度不書故綱目通鑑亦不書是食而不知丙午之朔食爲是也

太始四年戊子歲十月甲寅晦日食

十一月交一十四日三八食限

十一月朔五十四日四九甲寅午時

是十一月甲寅朔午時日食非十月晦

征和四年壬辰歲八月辛酉晦日食不盡如鉤

古今律曆考卷二十

二十

在亢二度晡時食從西北日下晡時復

九月交一十四日四二入食限

九月朔五十七日五八辛酉未時

定用五刻五三

初虧未初二刻正西食甚未正三刻復圓申正

初刻正東

推得是年九月辛酉朔日食九分九十餘秒非

八月辛酉晦是日食甚日纏黃道角十度夫漢

史食亢二而法推角十蓋角末去亢初不遠或

古時距星稍異不害其爲同也未初初虧申正
復圓食九分九十秒正晡時食日下復不盡如
鉤也第云從西北則非蓋漢人自東向西望日
故目爲西北而不知從北極望之則食從正西
過正東也是年載日食云晡時至日下不盡如
鉤詳矣蓋目觀記之也余推不爽則其他又何
疑

昭帝始元三年丁酉歲十月壬辰朔日食
十一月交二十六日七三入食限

古今律曆考卷二十

二十一

十一月朔二十八日四一壬辰巳時

法推是年十一月壬辰朔巳時日食漢史合

元鳳元年辛丑歲七月巳亥晦日食

八月交二十六日八四入食限

八月朔三十五日五五巳亥未時

是八月巳亥朔未時日食非七月晦

地節元年壬子歲十二月癸亥晦日食

正月交二十七日一九入食限

正月朔五十九日六二癸亥申時

是地節二年癸丑歲正月癸亥朔申時日食非
元年壬子十二月晦食也夫正月元旦是爲三
朝况漢帝改元以正月爲歲首則朝賀享獻履
端爲慶是日日食誠大變也孔子吉月必朝服
而朝矧曰元旦古人有元旦日日食不受賀者正
以吉期值大變耳谷永誤占惠帝六年季冬之
朔以爲七年元旦而曰三朝尊者惡之者實是
日也漢曆誤推以元旦之日食加於年前之窮
歲以正月之二日謬爲元旦之三朝日食而不
知爲大變且除夕於履端行朝祭大典於朔二
此之所關豈細欲神道人道能休鬯乎百工庶
績能蠶熙乎政典曰先時者殺無赦不及時者
殺無赦然則胤侯之征不少貸而鄧平等當之
矣

古今律曆考卷二十

二十一

五鳳元年甲子歲十二月乙酉朔日食

十二月癸一十四日二三八食限

十二月朔二十一日二三乙酉卯時

是十二月乙酉朔卯時日食漢曆合

五鳳四年丁卯歲四月辛丑朔日食是爲正月朔慝未作左氏以爲重異

四月交二十七日○四入食限

四月朔三十七日五五辛丑未時

是四月辛丑朔未時日食漢曆合夫四月純陽用事爲正陽之月陰爲慝五月一陰生之陰氣未動乃慝未作陰侵陽重左氏之說是也

元帝永光二年己卯歲三月壬戌朔日食

三月交一十四日○八入食限

古今律曆考卷三十

二十三

三月朔五十八日三四壬戌辰時

是三月壬戌朔辰時日食漢曆合

元帝永光四年辛巳歲六月戊寅晦日食

七月交二十六日八九入食限

七月朔一十四日六五戊寅申時

是七月戊寅朔申時日食非六月晦

建昭五年丁亥歲六月壬申晦日食不盡如鈞

因入

推是年六月晦七月朔無壬申亦不入食限日

不應食漢史不書在某宿度却書因入二字想
誤推應食見其不食也遂刪其宿度添因入二
字若曰日入地矣文其過也

建始三年辛卯歲十二月戊申朔日食

十二月交二十六日六二入食限

十二月朔四十四日五二戊申午時

是十二月戊申朔午正二刻日食漢史合考社
欽對成帝曰日以戊申食時加未戊未土也宮
中之部必此嫡妾將有爭寵相害而爲患者卽

古今律曆考卷二十

二十四

此見是日之食在末時也法推午正二刻合朔
午正二刻午將末矣其未正食甚復圓之時合
河平元年癸巳歲四月巳亥晦日食不盡如鉤
五月交一十三日九三入食限

五月朔三十五日三六巳亥辰時

是五月巳亥朔辰時日食非四月晦按劉向云
日蚤食時從西南起此必當時曆官親見其食
從蚤食時西南起也法推辰正三刻合朔則初
虧必辰初正蚤食時也其云從西南起則非何

則日食不盡如鉤是食既也食既則食起從正西復圓正東豈有起從西南之理蓋視日以北極爲準辰時日食日在東北向西南斜上月在西南向東北斜下相掩而食漢人向東視之若從西南者然而不知是正西之向正東也夫以千三百餘年之遠當時親見天象日食辰初者而余所步不爽則其他何有不合漢曆以朔爲晦并不應食而誤推爲食者其差謬又奚疑

河平三年乙未歲八月乙卯晦日食

古今律曆考卷二十

二十五

十月交二十六日七四入食限

十月朔五十一日五一乙卯午時

是十月乙卯朔午時日食非八月晦蓋是年十月前不應閏而漢曆誤置一閏遂以九月爲八月而曰乙卯晦日食非也

河平四年丙申歲三月癸丑朔日食

三月交一十三日四三八食限

三月朔四十九日六三癸丑申時

是三月癸丑朔申時日食漢曆合

陽朔元年丁酉歲二月丁未晦日食

三月交一十四刻入食限

三月朔四十三日六三丁未申時

是三月丁未朔申時日食非二月晦

永始元年乙巳歲九月丁酉晦日食

法推是年九月晦十月朔無丁酉亦不入食限

漢曆誤推暗削已自知其差矣谷永不知而乃

以京房易占對帝曰九月日蝕酒亡節之所致

也獨使京師知之四國不見者禍在內也夫曰

古今律曆考卷二十一

二十六

京師知之何不曰京師見之曰四國不見則真

不見也蓋當時曆官誤推先已傳布谷永遂據

以爲言豈知曆官覺差業已削其宿度而况兼

以四國皆未見乎既非日食則易占又何取焉

永始二年丙午歲二月乙酉晦日食

三月交二十六日四六入食限

三月朔二十一日四二乙酉巳時

是三月乙酉朔巳時日食非二月晦谷永以易

占對帝曰二月日食賦重民愁之所致也所以

使四方皆見京師陰蔽者禍在外也夫曰四方皆見則其真見曰京師陰蔽則陰雲掩之耳曆官因四方皆見而京師不見遂亦疑之而削其宿度殊不知是日日應食非差也從古有雲掩而不目爲日食乎民愁禍外之占奚取焉

永始三年丁未歲正月己卯晦日食

二月交二十七日○八入食限

二月朔一十五日六一己卯未時

是二月己卯朔未時日食非正月晦

古今律曆考卷二十

二十七

永始四年戊申歲七月辛未晦日食

八月交一十四日三九入食限

八月朔七日四辛未巳時

是八月辛未朔巳時日食非七月晦鄭興上疏

言日月交會數應在朔而頃年日食多在於晦

先時而合皆月行疾也日君象月臣象君亢急

則臣下促迫故行疾也以余考之日食何嘗在

晦何嘗先時而合月何嘗行疾漢曆誤推而鄭

興卽以月行疾誤日月且符以告君無知妄言

將誰欺欺天乎欺君乎

元延元年巳酉歲正月巳亥朔日食

正月交二十五日九八入食限

正月朔三十五日三一巳亥辰時不入食限

是正月巳亥朔辰時日食漢曆合會

哀帝元壽元年巳未歲正月辛丑朔日食與惠

帝七年同日月

正月交一十四日一四入食限

正月朔三十七日三二辛丑辰時

古今律曆考卷二十

二十一

是正月辛丑朔辰時日食漢曆合然云與惠帝

七年同月日則非蓋是年實正月朔日食爲三

朝大變而惠帝七年之正月朔則六年十二月

之朔也不可同年而語矣

元壽二年庚申歲三月壬辰晦日食

推是年三月晦四月朔無壬辰亦不入食限漢

曆誤推見其不食故不書宿度

平帝元始元年辛酉歲五月丁巳朔日食

五月交二十六日九三入食限

五月朔五十三日五丁巳午時
是五月丁巳朔午時日食漢史合

元始二年壬戌歲九月戊申晦日食既

推是年九月晦十月朔無戊申亦不入食限漢
曆誤推見其不食故不書宿度

班固前漢書云凡漢著紀十二世二百一十二
年日食五十三朔十四晦三十六先晦一日三
京房易傳曰晦而月見西方謂之眺朔而月見
東方謂之反慝反慝則侯王其肅眺則侯王其

古今律曆考卷三

二九

舒孟康註眺者月行疾在日前故早見反慝者
行遲在日後當沒而更見劉向以爲眺者疾也
君舒緩則臣驕慢故日行遲而月行疾也反慝
者不進之意君肅急則臣恐懼故日行疾而月
行遲不敢迫近君也不舒不急以正失之者食
朔日劉歆以爲舒者侯王縮胸不任事臣下促急
故月行疾也肅者侯王縮胸不任事臣下弛縱
故月行遲也當春秋時侯王率多縮胸不任事
故食二日反慝者十八食晦日眺者一此其效

也考之漢家食晦眊者三十六終七二日及慝者歆說信矣此皆謂日月亂行者也吁嗟有是哉晦日尚未合朔豈有月已疾行於日前而見西方之理朔日月方合朔豈有月反遲退於日後而見東方之理漢人布筭無術求天不得而遂以己意命名曰眊曰及慝而繫之以事應曰肅曰舒變異因之使果如其言豈不前知如神而抑知其非然也余以法推春秋暨西漢日凡九十餘食內不應食而漢曆誤推爲食及置閏

古今律曆考卷二十

二十

失所者亡論若其食晦與二日及晦先一日者則無一不食朔也且併其方位時刻分數若合符節不爽矣乃京房等妄名眊及而猶駕言以欺人曰此其效也歆說信矣日月亂行者也夫從古以來月何嘗有一眊及日何嘗有一非朔食以一無所有之事而加之日月詆爲亂行諸君却自誇爲效爲信果孰信耶效耶亂行耶日月不亂行而若等亂道其何傷於日月乎多見其不知量也

按文獻通考載成帝元延元年劉向上疏言臣
向前數年言日當食今連三年比食自建始以
來二十歲間而八食率二歲六月而一食古今
罕有易曰觀乎天文以察時變昔孔子對魯哀
公並言夏桀殷紂暴虐天下故歷失則攝提失
方孟陬無紀此皆易姓之變也夫向言日食召
變誠是而云前知日食則未也漢史紀成帝建
始以來二十年間日凡十食以余推之建始三
年十二月朔河平四年三月朔元延元年正月

古今律曆考卷二

三

朔皆是而河平元年四月晦陽朔元年二月晦
永始二年二月晦三年正月晦四年七月晦皆
非則皆次月朔食也河平三年之八月晦則十
月朔蓋漢曆誤置一閏之故永始元年之九月
晦則不應食卽彼時四國不見矣劉向上疏告
君自謂臣前數年言日當食而今果然是前知
如神也何乃食朔而以爲晦誤置閏而不知不
應食而不改豈數年前知而後復昏耄耶一晦
朔且未辯而尚敢言前知孔子曰知之爲知之

不知爲不知是知也則向不免強不知以爲知矣又考秘史漢宣帝甘露三年帝命劉向校書天祿閣夜有黃衣老人植青藜杖進吹杖端忽燃火曰我太乙之精也天帝聞下界有卯金之子博學能文令我下觀老人見凡上有化胡書曰書內葱嶺一字是其山出從蓉故名以爲葱誤矣嶺北乃老子化胡成佛之所可改作從復見凡上有列仙傳曰老子卽老聃在堯時爲務成子至今猶存太上老君乃太始之初人今人

以爲卽老聃非也錢鏗堯時人堯封爲彭城君得不死藥至今見存人謂彭年八百非也語畢老人乃出玉牒天文書授之劉向自是文學異常夫太乙之神道之祖也天文之書曆之源也老人知太始之老君記成佛之從嶺老聃彭鏗皆識其人豈非至神且以上帝之天文授向則向也曆象之事宜精而庶徵之術宜驗矣何乃課日不效以朔爲晦眊反不經事應無據夫以化胡書一葱字且令亟改而况日月晦朔所關

之大有所不知乎曆懸於昊天而天授無明效
太乙真宰之謂何然則老人者無乃非真太乙
而天文非真書耶抑劉向欲已天文五行之書
傳於天下而故假爲天神以駭世耶且也劉向
以如斯妄誕之徒歷代以來從祀孔子廟庭至
國朝嘉靖間張璁引程敏政議劉向初以獻賦
進喜誦神仙方術嘗上言黃金可成鑄作不驗
下吏當死其兄陽城侯救之獲免所著洪範五
行傳最爲舛駁使箕子經世之微言流爲陰陽
術家之小技宜罷祀從之夫敏政所云仙丹陰
陽之舛卽青藜玉牒之詐也若非 清朝罷祀
則宮牆美富之中幾何而不久爲一僞學所玷

陝西副憲安肅邢雲路輯徵士滿城魏文魁訂

陝西叅知京山李維楨郡倅大同顧漢

校

陝西副憲元城張應鳳司理江津楊炳瞻

歷代日食曆

東漢

光武建武二年丙戌歲正月甲子朔日食

正月交二十六日五一

正月朔初日五十八刻甲子未時

古今律曆考卷三十一

赤道危八度九五

推得漢光武建武二年丙戌歲正月甲子朔未

正初刻合朔日食在危八度宿度既合以又考後不復推

古今注載光武建武元年乙酉歲即更始三年

正月庚午朔日食以法推元年正月初一巳巳

日亥時合朔日食在夜夜食不書無乃漢史誤

布應食及期見其不食也而遂削之耶

建武三年丁亥歲五月乙卯晦日食

六月交一十三日八二

六月朔五十一日三六乙卯辰時

是六月乙卯朔辰時日食非五月晦

建武四年戊子歲五月乙卯晦日食

見古今注

推得是年六月庚戌朔入食限加時在夜丑無

乙卯則古今注之載食非也歷推史無而古今

注有者多不食其誤可知

建武六年庚寅歲三月晦日食

見漢秘史

四月交一十三日三三

四月朔五日四六巳巳午時

古今律曆考卷二十一

二

考漢唐秘史載建武六年三月晦日食大雨連

月昔稼更生鼠巢樹上乃邪陰掩太陽之象夫

漢唐秘史一書乃我

太祖西宮命弟

肅王

等兄弟五王奉

勅大索群典編集成書其間

事實多內府秘書出於史鑑之外者漢史古今

注文獻通考通鑑綱目諸書俱不載是食而秘

史有之余以法布筭四月初一巳巳朔去交分

入食限巳時食甚與秘史合蓋四月朔即三月

晦也緣漢史步曆垂次多以朔為晦耳且以斯

日食淫雨邪陰掩陽之大變必當時大庭之上
衆目所視載在秘冊藏諸金匱歷代流傳至今
者也何當時曆官既不能推乃見其食也而又
恐彰已過隱之不書於史冊可恨也夫

建武六年九月丙寅晦日食史官不見郡以聞
十月交初日○二

十月朔二日二四丙寅卯時初三刻

推得十月丙寅朔卯初刻合朔食甚非九月丙
寅晦是時日出卯正刻初刻食甚所以洛陽不

古今律曆考卷二十一

三

見若郡之偏東者日出差早合朔亦早則食甚
復圓之間正其所及見者然則郡以聞者其必
偏東之郡乎

建武七年辛卯歲三月癸亥晦日食

四月交一十三日九

四月朔五十九日四八癸亥午時

是四月癸亥朔午時日食非三月晦

建武十六年庚子歲三月辛丑晦日食

四月交二十六日三六

四月朔三十七日辛丑辰時

是四月辛丑朔辰時日食非三月晦

建武十七年辛丑歲二月乙未晦日食

三月交二十六日九七

三月朔三十一日五七乙未未時

是三月乙未未時日食非二月晦

建武二十二年丙午歲五月乙未晦日食

六月交一十四日三九

六月朔三十一日四乙未巳時

古今律曆考卷三十一

四

是六月乙未朔巳時日食非五月晦

建武二十五年己酉歲三月戊申晦日食

四月交一十三日九

四月朔四十四日六九戊申申時

是四月戊申朔申時日食非三月晦

建武二十九年癸丑歲二月丁巳朔日食

二月交一十四日〇一

二月朔五十三日四二丁巳巳時

是二月丁巳朔巳時日食

建武三十一年乙卯歲五月癸酉晦日食

六月交二十六日八二

六月朔九日四癸酉巳時

是六月癸酉朔巳時日食非五月晦

中元元年丙辰歲十一月甲子晦日食

十二月交一十四日一三

十二月朔○日四十一刻甲子巳時

是十二月甲子朔巳時日食非十一月晦

明帝永平三年庚申歲八月壬申晦日食

古今律曆考卷三十一

五

九月交一十四日二四

九月朔八日五八壬申申時

是九月壬申朔申時日食非八月晦

永平四年辛酉歲八月丙寅時加未日食

古今注載

八月交一十四日八不入食限

推不應食古今注載食非

永平五年壬戌歲二月乙未晦日食京師候之

不覺汝南五郡國三十一上 古今注載史無

三月交二十六日

三月朔三十一日二六乙未卯時

推得三月乙未朔卯時日食非二月晦古今注

載河南郡上食是也

永平六年癸亥歲六月庚辰晦日食時額陽候

者不見古今注載史無

七月交二十二日四一不入食限

推不宜食古今注載食非

永平八年乙丑歲十月壬寅晦日食古今注云十二月

十一月交二十六日五六

古今律曆考卷三十一

六

十一月朔三十八日四四壬寅巳時

是十一月壬寅朔巳時日食非十一月晦古今

注云十二月亦非

永平十三年庚午歲十月甲辰晦日食古今注云八月

文獻通考云十一月晦

十一月交四日一不入食限

推不宜食蓋原無是食所以漢史古今注文獻

通考各載不一

永平十六年癸酉歲五月戊午晦日食

閏六月交二十六日七九

閏六月朔五十四日七二戊午酉時

是閏六月戊午朔酉時日食非五月晦

永平十八年乙亥歲十一月甲辰晦日食

十二月交一十四日七

十二月朔四十〇日四甲辰巳時

是十二月甲辰朔巳時日食非十一月晦

章帝建初五年庚辰歲二月庚辰朔日食

二月交二十六日四一

古今律曆考卷三十一

七

二月朔一十六日六庚辰未時

是二月庚辰朔未時日食

建初六年辛巳歲六月辛未晦日食

八月交一十三日七一

八月朔七日三三辛未辰時

是八月辛未朔辰時日食非六月晦蓋是年應

閏八月而漢曆誤先置一閏故差

元和元年甲申歲八月乙未晦日食史官不見

佗官以聞

推無是食查通鑑綱目亦無是食

章和元年丁亥歲八月乙未晦日食

十月交二十六日六四

十月朔三十一日六六乙未申時

是十月乙未朔申時日食非八月晦蓋是年應

閏正月而漢曆未閏故以九月晦為八月晦也

查元和元年八九月之交無乙未亦不入食限

而是年乙未之食適合漢史無章和元年食而

通鑑綱目有之無乃章和之章字誤記為元和

古今律曆考卷三十一

八

耶

和帝永元二年庚寅歲二月壬午日食史官不

見涿郡以聞

漢史無晦朔
秘史云晦

二月交一十四日五五

二月朔一十八日三三壬午辰時

是二月壬午朔辰時日食秘史云晦非

永元四年壬辰歲六月戊戌朔日食

閏六月交一十五刻

閏六月朔三十四日五五戊戌未時

是閏六月戊戌朔未時日食非六月朔蓋是年閏六月而漢曆不知也

永元七年乙未歲四月辛亥朔日食

四月交二十六日八六

四月朔四十七日四六辛亥午時

是四月辛亥朔午時日食

永元十二年庚子歲七月辛亥朔日食

八月交一十四日二八

八月朔四十七日三六辛亥辰時

古今律曆考卷二十一

九

是八月辛亥朔辰時日食非七月朔蓋是年八月方閏而漢史誤先置一閏故以八月爲七月差矣

永元十五年癸卯歲四月甲子晦日食

閏五月交一十三日七九

閏五月朔五十六刻未時

是閏五月甲子朔未時日食非四月晦蓋是年

應閏五月漢曆誤先置一閏故以閏五月朔作

四月甲子晦差矣與永元庚子同

安帝永初元年丁未歲三月二日癸酉日食

史

云三月晦通鑑綱目不書日古今注亦不書日

日食古今注亦不書日

三月經朔八日七六

加差五十六刻五

三月交一十三日九

三月定朔九日三十三刻二得癸酉日辰初四

刻合朔

推得是年三月癸酉朔辰初四刻合朔日食非

三月二日亦非三月晦蓋漢曆不知天日之差

古今律曆考卷十一

十

即以天度爲日度於月止以章月步朔一經朔

且未定安論盈縮與遲疾且是年三月之曆以

經朔步之得八日壬申酉正一刻加以盈遲相

併加差之五十餘刻遂至九日癸酉辰初四刻

合朔食甚矣蓋經朔者論其泛行之度也盈縮

遲疾者則日月由闕入狹由狹入闕南北運

平立積差參差不齊之數也漢人烏得而知之

漢曆目爲朔二日秘史目爲晦古今注暨通鑑

則不敢書日嗟嗟天道雖聞天眼未晰空令人

左遮右掩迷亂而不敢定則何惑乎世遂視義和爲絕學禁不敢言畏不敢近而抑知日之食也人皆見之千歲之日可坐而致其如燭照數計示諸掌之易易也

永初五年辛亥歲正月庚辰朔日食

正月交一十四日○二

正月朔一十六日五午時

是正月庚辰朔午時日食

永初七年癸丑歲四月丙申晦日食

古今律曆考卷二十一

十一

五月交二十六日八三

五月朔三十二日七七丙申酉時

是五月丙申朔酉時日食非四月晦

元初元年甲寅歲三月日食一云五月晦日食

漢史則不書食

閏餘二十五日五閏三月

四月交二十二刻

四月朔二十七日三六辛卯辰時

是四月辛卯朔辰時日食非三月日食亦非五

月晦日食蓋是年閏三月而漢史不知想推以爲前又推以爲後不知閏在何月及見其食也遂訛記之旣而恐彰已過遂復削之所以史無是食通鑑綱目則載三月日食而不書朔秘史則載五月晦日食皆循漢史訛記之舊也豈知閏在三月而四月朔實有是食乎

元初元年十月戊子朔日食

十月交一十四日一三

十月朔二十四日五四戊子未時

是十月戊子朔未時日食

古今律曆考卷三十一

十三

元初二年乙卯歲九月壬午晦日食

十月交一十四日七四

十月朔一十八日五三壬午午時

是十月壬午朔午時日食非九月晦

元初三年丙辰歲三月二日辛亥日食史官不

見遼東以聞

三月經朔四十六日六六庚戌申初三刻

盈遲相併七度七六

加差五十八刻

三月交二十六日三三

三月朔四十七日二四辛亥卯初三刻

是三月初一日辛亥卯時初三刻合朔日食非三月二日也漢曆止以章月步朔罔知加減故朔失之前則晦失之後則二日矣豈知是月推經朔四十六日六十六刻得庚戌日申初三刻推定朔四十七日二十四刻則辛亥日卯初三刻也以盈遲相併之七度七十六分應加五十

古今律曆考卷三十一

三

八刻加之則移庚戌之暮爲辛亥之旦矣史官不見遼東以聞者天下日出分不同遼東偏東日出最早雒陽天中日出稍遲故是日卯初日出而食遼東僅及見之少頃復圓而雒陽日方出則不及見也此天運自然豈容假借者耶漢史書二日綱目不書日秘史書晦日胥失之卽此一事足證漢曆之失

元初四年丁巳歲二月乙亥朔日食史官不見

七郡以聞

二月交二十六日九四

二月朔四十一日三八乙巳巳時

是二月乙巳朔巳時日食非乙亥朔也蓋是年應閏十二月漢曆未閏誤以正月朔之乙亥作二月朔過此覺差方補一閏然乙亥之文則仍舊未改故也

元初五年戊午歲八月丙申朔日食史官不見張掖以聞

八月交一十四日二五

古今律曆考卷三十一

十四

八月朔三十二日六九丙申申正二刻

是八月丙申朔申末合朔日食張掖聞之是也何乃史官不見乎想東京以申酉之時夕陽西下偶蔽於游氣而不見張掖以極西見也元初六年巳未歲十二月戊午朔日食幾盡地如昏狀

二月交二十六日四五

十二月朔五十四日四五戊午巳時

是十二月戊午朔巳時日食

永寧元年庚申歲七月乙酉朔日食史官不見
酒泉以聞

六月交一十三日一五

六月朔五十一日八乙卯戌初日食

是六月乙卯朔戌時初刻合朔日食非七月乙酉朔也漢曆步朔無次常乖一閏以卯爲酉與元初丁巳二月朔之以巳作亥同然史官不見酒泉以聞者酒泉地偏極西寅餞納日日入差遲以六月朔戌初刻食甚况在極西則日尚未入也由虧至甚豈不悉見若雒陽天中則日入差早或日暮重以遊氣無惑乎不見也此與元初三月朔遼東以聞之曆互相發明蓋日之出入隨地不同此二者極東極西早晚異焉明乎二曆千古之疑破矣

延光三年甲子歲九月庚寅晦日食

十月交二十七日一七

十月朔五十六日三六庚申辰時

是十月庚申朔辰時日食非九月庚寅晦

延光四年乙丑歲三月戊午朔日食隴西酒泉
朔方各以狀上史官不覺

三月交一十三日八七

三月朔五十四日六五戊午申時

是三月戊午朔申時日食隴西酒泉朔方各以
狀上是也何史官不覺耶

順帝永建二年丁卯歲七月甲戌朔日食

八月交二十六日六八

八月朔一十〇日六一甲戌未時

古今律曆考卷二十一

二十六

是八月甲戌朔未時日食非七月甲戌朔漢曆
誤

陽嘉四年乙亥歲閏月丁亥朔日食史官不見
零陵以聞

九月交一十三日六

九月朔二十三日三五丁亥辰時

是九月丁亥朔辰時日食非閏月丁亥朔也蓋
是年閏餘不及閏限一十八日有奇不應閏至
冬十二月方閏漢曆不知而預閏八月遂以九

月丁亥朔爲閏八月丁亥朔過此見其差也遂亦不敢書閏八月而但曰閏月茫無措矣是日食在辰刻非卯酉之難見也零陵以聞良是胡史官不見耶

永和三年戊寅歲十二月戊戌朔日食史官不見會稽以聞

十二月交二十七日○二

十二月朔三十四日四九戌戌午時

是十二月初一戊戌日午時合朔食甚夫午時

古今律曆考卷五十一

十七

天中食甚人皆見之會稽以聞是也何史官昏迷不見耶

永和五年庚辰歲五月己丑晦日食

六月交一十四日三三

六月朔二十五日三九己丑巳時

是六月己丑朔巳時日食非五月晦

永和六年辛巳歲九月辛亥晦日食

十月交二十六日五三

十月朔四十七日六二辛亥申時

是十月辛亥朔申時日食非九月晦也按通鑑
綱目載永和六年春閏正月鞏唐羌寇三輔燒
園陵以法推是年閏餘二十三日八十六刻以
減朔實餘五日六十六刻以月閏九十刻有奇
去之應閏六月漢史不知而妄閏正月先天五
其月矣閏且差至五月則何惑乎以十月冬爲
九月秋以朔日吉爲晦日昧也傳曰歸餘於終
事則不悖政典曰先時者殺無赦然則不治先
時之罪欲冬之不秋吉之不昧事之不悖得乎

古今律曆考卷二十一

十一

桓帝建和元年丁亥歲正月辛亥朔日食史官
不見郡國以聞

正月交一十三日九五

正月朔四十七日二二辛亥卯初一刻

是正月辛亥朔卯初刻日食史官不見郡國以
聞者正月日出卯正而是食在卯初地之偏東
者日出差早卯初及見其食洛陽天中食至卯
正則將復圓不見其食也此之郡國以聞者其

必偏東之郡國乎

建和三年己丑歲四月丁卯晦日食

六月交二十六日七六

六月朔三日三五丁卯辰時

是六月丁卯朔辰時日食非四月晦蓋是年六月方閏而漢史先閏故以六月朔爲四月晦非元嘉二年壬辰歲七月二日庚辰日食史官不見廣陵以聞

七月交八日二四不入食限

七月朔一十五日五七己卯未時

古今律曆考卷二十一

十九

推是年七月一日己卯未時合朔二日庚辰朔交汎八日不入食限史官不見是廣陵以聞非永興二年甲午歲九月丁卯朔日食

九月交一十四日一八

九月朔三日三五丁卯辰時

是九月丁卯朔辰時日食

永壽三年丁酉歲閏四月庚辰晦日食史官不見郡國以聞

七月交一十三日六八

七月朔一十六日三七庚辰辰時

是七月庚辰朔辰時日食非閏四月庚辰晦史

官郡國皆非也何者蓋是年閏八月非閏四月

推四五月晦朔之間俱無庚辰不入食限故也

永壽三年丁酉歲十二月壬戌月蝕非其月

十一月望交一十二日八三

十一月望五十八日八五

推得是年十一月十五日壬戌戌時正一刻合

望月食非十二月壬戌月食非其月蓋漢曆於

古今律曆考卷二十一

二十一

是年七月日食妄步閏四月故於十一月壬戌

之月食茫無著落而但曰月食非其月也嗟嗟

在天月食是其月若等步天非其月而反詭詭

自是詆天曰非其月也可恨也夫

延熹元年戊戌歲五月甲戌晦日食

六月交一十四日二九

六月朔一十〇日六八甲戌申時

是六月甲戌朔申時日食非五月晦

延熹八年乙巳歲正月辛巳月食非其月

正月望交二十六日三六

正月望一十八日二八壬午卯正三刻

推得是年正月十五日辛巳夜至曉壬午卯正三刻合望月食甚正月望日出卯正二刻食甚在卯正三則初虧在寅末卯初也其食無疑何漢史不知而目爲月食非其月耶

延熹八年乙巳歲正月丙申晦日食

二月交一十三日九一

二月朔三十二日五七丙申未時

古今律曆考卷二十一

二十一

是二月丙申朔未時日食非正月晦

延熹九年丙午歲正月辛卯朔日食史官不見郡國以聞

正月交一十四日五二

正月朔三十七日二四辛卯卯初三刻

推得是年正月辛卯朔卯初三刻食甚則復圓

在辰也然正月初日出卯正二刻若偏東之地

則日出差早洛陽天中則日出差遲所以史官

不見而其郡國以聞者必偏東之郡國乎

永康元年丁未歲五月壬子晦日食

六月交二十六日七二

六月朔四十八日六三壬子申時

是六月壬子朔申時日食非五月晦

靈帝建寧元年戊申歲五月丁未朔日食

六月交○日一十二刻

六月朔四十三日四二丁未巳時

是六月丁未朔巳時日食非五月朔蓋是年七

月方閏而漢史豫閏故以六月朔爲五月朔非

古今律曆考卷三十一

三十一

建寧元年十月甲辰晦日食

十一月交一十四日○三

十一月朔四十○日五五甲辰未時

是十一月甲辰朔未時日食非十月晦

建寧二年巳酉歲十月戊戌晦日食右扶風以

聞

十一月交一十四日六三

十一月朔三十四日五六戊戌未時

是十一月戊戌朔未時日食非十月晦右扶風

以聞是也

建寧三年庚戌歲三月丙寅晦日食梁相以聞

四月交二十六日二三

四月朔三日一七丁卯寅正初刻

推四月丁卯朔寅正初刻日食四月日出卯初一刻寅正食甚則卯初尚未復圓地之偏東者日出差早猶及少見其虧然則梁相以聞者毋乃居東乎

建寧四年辛亥歲三月辛酉朔日食

古今律曆考卷二十一

二十三

閏三月交二十六日八三

閏三月朔五十七日三四辛酉辰時

是閏三月辛酉朔辰時日食非三月辛酉朔蓋漢史於未三月先置一閏故以閏三月爲三月

耳

熹平二年癸丑歲十二月癸酉晦日食

正月交二十六日三四

正月朔一十日五三甲戌午時

是熹平三年正月甲戌朔午時日食非二年十

二月癸酉晦所關元旦日食其誤大

熹平四年乙卯歲正月朔

正月交二十六日九五

正月朔五日二二巳巳卯初一刻

推得是年正月巳巳朔卯時日食

考漢史蔡邕上書曰熹平四年正月朔日體微

傷群臣服赤幘赴宮門之中無救乃各罷歸天

有大異隱而不宣求御過是已事之甚者夫元

旦日食變之最大者也伯喈親見日體微傷同

古今律曆考卷二十一

二十四

群臣服赤幘赴宮門以無救而罷歸乃漢之義

和尸厥官罔聞知則焉用義和為法推是年正

月巳巳朔卯初一刻合朔食甚正月日出卯正

二刻則伯喈所見日體微傷正食甚巳過尚未

復圓時也伯喈同群臣欲救不得上書譏日官

不報君臣泄泄其柰之何幸伯喈一疏昭在簡

冊使余千載而下得以援此証據按策步曆以

正千古之謬則伯喈有功於曆大矣

熹平六年丁巳歲十月癸丑朔日食趙相以聞

十一月交二十六日四六

十一月朔一十八日二九壬午辰時

是十一月壬午朔辰時日食非十月癸丑朔必

漢曆置閏遷就之過

光和元年戊午歲二月辛亥朔日食

推二月朔不入交無是食至五月朔方入交食
在半夜漢史載二月朔日食不書宿度不言事
應是必誤步是食及期候之不食遂削去宿度
事應而猶存其名也

古今律曆考卷二十一

二十五

光和元年十月丙子晦日食

十一月交二十七日〇六

十一月朔一十二日三九己初一刻

是十一月丙子朔巳時日食非十月晦蓋每歲

六月一交卽此十一月食而知前之交五月也

其二月不食明矣考漢史本傳載盧植上書是

日丙子食自己過午陳八事以諫蔡邕對詔問

云云觀此日食自己過午當時群臣所目覩者

余步已初一刻合朔食甚則復圓過午明矣以

今考古千歲可致他又何疑

光和二午巳未歲四月甲戌朔日食

五月交一十三日七六

五月朔一十〇日五五甲戌未時

是五月甲戌朔未時日食非四月甲戌朔蓋是
年五月方閏漢史先閏誤以五月朔爲四月朔

光和四年辛酉歲九月庚寅朔日食

九月交二十六日五七

九月朔二十六日六三庚寅申時

古今律曆考卷二十一

二十一

是九月庚寅朔申時日食

中平三年丙寅歲五月壬辰晦日食

六月交〇日〇八

六月朔二十八日六〇九壬辰未時

是六月壬辰朔未時日食非五月晦

中平六年巳巳歲四月丙午朔日食

四月交二十六日八

四月朔四十二日六三丙午申時

是四月丙午朔申時日食

獻帝初平四年癸酉歲正月甲寅朔日食

正月交二十六日九一

正月朔五十一日五四五甲寅未正一刻

推得是年正月甲寅朔未正一刻合朔日食考
漢史載袁宏紀曰未蝕八刻太史令王立奏曰
日晷過度無有變也於是朝臣皆賀帝密令尚
書候正未晡一刻而食尚書賈翊奏曰立伺候
不明疑誤上下大尉周忠職所典掌請皆治罪
詔曰天道遠事驗難明且災異應政而至雖探

古今律曆考卷三十一

二十七

道知幾焉能無失而欲歸咎史官益重朕之不
德也弗從於是避正殿寢兵不聽事五日夫尚
書候正未晡一刻而食是未初刻食起也余推
未正初刻合朔則食甚在未正初之前復圓在
未正刻之末正合袁宏所紀未蝕八刻與尚書
所候之的期也以元旦日食大變而王立既不
能推又奏云無變朝臣遂賀皆逢君之爲也帝
令尚書密候得實賈翊正言劾奏帝卽引爲已
過避殿寢兵克謹天戒而於曆官特優容之咄

咄王立周忠典掌謂何縱免胤侯之誅能不內愧於心乎

興平元年甲戌歲六月乙巳晦日食

七月交一十四日二二

七月朔四十一日二八乙巳卯時

是七月乙巳朔卯時日食非六月晦

建安五年庚辰歲九月庚午朔日食

九月交二十六日一四

九月朔六日三四庚午辰時

古今律曆考卷三十一

三八

是九月庚午朔辰時日食

建安六年辛巳歲十月癸未朔日食

推是年無癸未朔三月十月皆不入食限閏二

月八月入食限則皆夜食史載十月癸未朔食

通鑑綱目載三月朔食皆非也

建安十三年戊子歲十月癸未朔日食

十月交一十四日〇七

十月朔一十九日四一癸未巳時

是十月癸未朔巳時日食

建安十五年庚寅歲二月乙巳朔日食

二月交二十六日二七

二月朔四十一日三一乙巳辰時

是二月乙巳朔辰時日食

建安十七年壬辰歲六月庚寅晦日食

七月交一十四日一八

七月朔二十六日五九八庚寅未時

是七月庚寅朔未時日食非六月晦

建安二十一年丙申歲五月巳亥朔日食

古今律曆考卷二十一

二十九

五月交一十四日三二

五月朔三十五日三四巳亥辰時

是五月巳亥朔辰時日食

建安二十四年巳亥歲二月壬子晦日食

三月交一十三日八

三月朔四十八日五九壬子未時

是三月壬子朔未時日食非二月晦

建安二十五年庚子歲二月朔日食見通鑑綱

目

閏二月交一十四日四一

閏二月朔四十三日二九三丁未辰時

是閏二月丁未朔辰時日食非二月朔史漏

凡漢中興十二世百九十六年史書日蝕七十
二朔三十二晦二十七月二日三以法筭之其
晦與二日皆朔也蓋東漢日官步氣仍用四分
度之一步朔仍用章月並無盈縮遲疾加減故
其差忒猶之乎西漢也且終東漢之世二百年
間日官步得兩月蝕非其月以爲在天月之亂

古今律曆考卷二十一

三

行與已所筭不合有此兩異也故特記之而豈
知兩月俱應蝕乃若等冤天而亂道也卽熹平
四年正月朔蔡邕親見日虧抗章上表而不報
初平四年正月朔賈翊親候日食奏請治罪而
不理夫以三朝大變朝臣公議而猶泄泄然若
此蓋由漢室日官挾權太重且自知多漏難補
故百計彌縫冤天以實已之短昧心拒衆罔上
行私牢不可破耳

古今律曆考卷二十一畢

